


Ms.22

→ PERTAHANAN

[FOTO KHAIRULL AZRY BIDIN/BH]



Sultan Nazrin Shah menyampaikan syarahan sambil diperhatikan Pengerusi Lembaga Pengarah UPM, Laksamana (B) Tan Sri Mohd Anwar Mohd Nor dan Naib Canselor UPM, Jeneral Tan Sri Zulkifli Zainal Abidin (kanan) di UPM, Kuala Lumpur, semalam.

Perkukuh pendidikan ketenteraan

→ Tentera perlu kreatif hadapi ancaman baharu: Sultan Nazrin

Oleh Haryani Ngah
aryani@bh.com.my

▀ Kuala Lumpur

Ketidaktentuan dan kecemasan persekitaran keselamatan global yang kompleks menuntut kepada keperluan persediaan ketenteraan yang lebih

kukuh berbanding sebelumnya.

Sultan Perak, Sultan Nazrin Muizzuddin Shah, bertitah dalam menghadapi cabaran itu, pendidikan ketenteraan dengan gabungan unik kemahiran dan kebolehan bidang berkenaan menjadi lebih penting.

"Angkatan tentera perlu melengkapkan diri dengan pendidikan ke-

tenteraan yang berkesan dan diperkukuhkan pada peringkat kebangsaan serta serantau.

Pemahaman lebih baik

"Ini menyumbang kepada pemahaman yang lebih baik untuk merungkai kerumitan beberapa isu yang dihadapi angkatan tentera kita pada hari ini," titah baginda ketika menyampaikan syarahan bertajuk 'Pendidikan adalah barisan pertama pertahanan' di Universiti Pertahanan Nasional Malaysia (UPNM) di sini, semalam.

Baginda bertitah, kegiatan peng-

anas ketika ini adalah cabaran besar kepada hubungan keselamatan dan memerlukan persediaan dalam menghadapi situasi yang tidak menentu itu.

Cabaran ini juga memerlukan anggota tentera dilatih untuk bersedia menghadapi serangan penganas.

Sultan Nazrin bertitah, serangan siber dan ancaman baharu berkaitan teknologi juga berpotensi membawa kesan dahsyat, yang memerlukan angkatan bersenjata mengamalkan pendekatan bersifat memandang jauh ke hadapan,

kreatif dan memiliki kemampuan kritikal.

"Kebanyakan aspek dalam pendidikan ketenteraan akan tidak berubah dan terus memberi fokus terhadap perilaku, ketangkasan fizikal serta keupayaan dalam bidang teknikal.

"Tetapi, memandangkan era kita sekarang adalah era pertama di mana penggunaan dan capaian kepada maklumat menjadi lebih penting daripada kuasa bedilan, latihan dan kesiapsiagaan dalam bidang ini kini menjadi amat penting," titah baginda.